

اتوار 10 اگست، 2025

مضمون۔ روح

سنہری متن: یوحنا 4 باب 24 آیت

”رب روح اے تے ضروری اے پئی اوہدے پرستاروی روح تے سچائی نال اوہدی پرستش کرن۔“

جوابی پڑھائی: رومیوں 8 باب 1 توں 9 آیتاں

- 1۔ ایس لئی ہن جیہڑے مسیح یسوع وچ نیں اوہناں اُتے سزا دا حکم نیں۔
- 2۔ کیوں جے حیاتی دے روح دی شریعت نے مسیح یسوع وچ مینوں پاپ تے موت دی شریعت توں آزاد کر دتا۔
- 3۔ ایس لئی پئی جیہڑا کم شریعت جسم دے پاروں ماڑی ہو کے نہ کر سکی اوہ رب نے کیتا یعنی اوہنے اپنے پترنوں پاپ آلود جسم دی صورت وچ تے پاپ دی قربانی لئی گھل کے جسم وچ پاپ دی سزا دا حکم دتا۔
- 4۔ تاں جو شریعت دا تقاضا ساڈے وچ پورا ہووے جیہڑے جسم دے مطابق نیں بلکہ روح دے مطابق چل دے آں۔
- 5۔ کیوں جے جیہڑے جسمانی نیں اوہ جسمانی گلاں دے خیال وچ رہندے نیں پر جیہڑے روحانی نیں اوہ روحانی گلاں دے خیال وچ رہندے نیں۔
- 6۔ تے جسمانی نیت موت اے پر روحانی نیت حیاتی تے اطمینان اے۔

- 7۔ ایس لئی پئی بدنی نیت رب دا ویراے کیوں جے نہ تے رب دی شریعت دے تابع اے تے نہ ہو سکدی اے۔
- 8۔ تے جیہڑے بدنی نیں اوہ رب نوں خوش نیں کر سکدے۔
- 9۔ پر تسی بدنی نیں بلکہ روحانی او شرط ایہہ اے پئی رب دا روح تہاڈے وچ وسیا ہووے۔

درسی وعظ

بائبل وچوں

1۔ خروج 20 باب 1 توں 6 آیتاں

- 1۔ تے رب نے ایہہ ساریاں گلاں اوہناں نوں دسیاں۔
- 2۔ خداوند تیرا رب جیہڑا تینوں ملک مصر توں غلامی دے گھر وچوں کڈھ لیا یا میں واں۔
- 3۔ میرے آگے تُوں غیر معبوداں نوں نہ منیں۔
- 4۔ تُوں اپنے لئی کوئی تراشی ہوئی مورت نہ بنانویں۔ نہ کسے شے دی صورت بنانویں جیہڑی آسمان وچ یا میٹھاں دھرتی اُتے یا دھرتی دے میٹھاں پانی وچ اے۔
- 5۔ تُوں اوہناں دے آگے سجدہ نہ کریں تے نہ اوہناں دی عبادت کریں کیوں جے میں تیرا رب غیرت والا رب واں تے جیہڑے میرے نال ویر رکھدے نیں اوہناں دی اولاد نوں تہی تے چوتھی پیڑی تیکر پیو دادے دی بدکاری دی سزا دینا واں۔

6۔ تے ہزاراں اُتے جیہڑے میرے نال محبت رکھدے نیں تے میرے حکماں نوں مَن دے نیں رحم کرداں واں۔

2۔ 2 سلاطین 2 باب 1 توں 15 (توں پہلی) آیتاں

1۔ تے جد خداوند ایلیاہ نوں واں ورھولے وچ اسمان اُتے چکن والا سی تے اٹخ ہو یا پئی ایلیاہ الیشع نوں نال لے کے جلال چوں نکلیا۔

2۔ تے ایلیاہ نے الیشع نوں آکھیا توں ذرا ایہتھے رُک جا کیوں جے خداوند نے مینوں بیت ایل نوں گھلیا اے۔ الیشع نے آکھیا خداوند دی حیاتی دی قسم تے تیری جند دی سوگند میں تینوں نیں جھڈاں گا ایس لئی اوہ بیت ایل نوں ٹر گئے۔

3۔ تے انبیاء زادے جیہڑے بیت ایل وچ سی الیشع دے کول آکے اوہنوں آکھن لگے پئی کیہ تینوں پتا اے پئی خداوند اج تیرے سرتوں تیرے آقا نوں چک لووے گا؟ اوہنے آکھیا ہاں میں جان داواں تسی چپ رہو۔

4۔ تے ایلیاہ نے اوہنوں آکھیا الیشع توں ذرا ایہتھے ای رُک جا کیوں جے خداوند نے مینوں یریکو نوں گھلیا اے اوہنے آکھیا خداوند دی حیاتی دی قسم تے تیری جان دی سوگند میں تینوں نیں جھڈاں گا ایس لئی اوہ یریکو وچ آئے۔

5۔ تے انبیاء زادے یریکو وچ سی الیشع دے کول آکے اوہنوں آکھن لگے کیہ تینوں پتا اے پئی خداوند اج تیرے آقا نوں تیرے سرتوں چک لووے گا؟ اوہنے آکھیا ہاں میں جان داواں تسی چپ رہو۔

6۔ تے ایلیاہ نے اوہنوں آکھیا الیشع توں ذرا ایہتھے ای رُک جا کیوں جے خداوند نے مینوں یردن نوں گھلیا اے اوہنے آکھیا خداوند دی حیاتی دی قسم تے تیری جان دی سوگند میں تینوں نیں جھڈاں گا ایس لئی اوہ دونوں اگے ٹر گئے۔

7۔ تے انبیاء زادیاں وچوں پجاہ بندے جا کے اوہناں دے سامنے دور کھڑے ہو گئے تے دونوں یردن دے کنڈے کھڑے ہو گئے۔

8۔ تے ایلیاہ نے اپنی چادر لئی تے اوہنوں لویٹ کے پانی اُتے ماریا تے پانی دوحصے ہو کے ایسدھر اودھر ہو گیا تے اوہ دونوں خشک دھرتی اُتے ہو کے پار چلے گئے۔

9- تے جد اوہ پار ہو گئے تے ایلیاہ نے الیشع نوں آکھیا پئی ایس توں پہلاں میں تیتھوں لے لیا جانواں مینوں دس پئی میں تیرے لئی کیہ کراں؟ الیشع نے آکھیا میں تیری منت کرداواں پئی تیری روح داؤ گنا حصہ میرے اُتے ہووے۔

10- اوہنے آکھیا توں اوکھا سوال کیتا فیر وی جے توں مینوں اپنے توں وکھ ہندیاں ویکھیں تے تیرے لئی ایٹخ ای ہووے گا۔ جے نسیں تے فیر ایٹخ نسیں ہووے گا۔

11- تے اوہ اگے اُردے تے گلاں کر دے جان دے سی پئی ویکھواک آتشی رتھ تے آتشی گھوڑیاں نے اوہناں دونواں نوں وکھ کر دتا تے ایلیاہ واں ورھو لے وچ اسمان اُتے اُڑ گیا۔

12- الیشع ایہہ ویکھ کے چلایا اے میرے باپ! میرے باپ! اسرائیل دے رتھ تے اوہدے سوار! تے اوہنے اوہنوں فیر نہ ویکھیا۔ تے اوہنے اپنے کپڑیاں نوں پھڑکے پھاڑ دتا تے دو حصے کر دتا۔

13- تے اوہنے ایلیاہ دی چادر نوں وی جیہڑی اوہدے اتوں ڈگ پئی سی چک لیا تے اُلٹا پھریا تے یردن دے کنڈے اُتے کھلو گیا۔

14- تے اوہنے ایلیاہ دی چادر نوں جیہڑی اوہدے اتوں ڈگ پئی سی لے کے پانی اُتے ماریا تے آکھیا پئی خداوند ایلیاہ دا رب کتھے اے؟ تے جدوں اوہنے وی پانی اُتے ماریا تے اوہ ایدھر اُدھر دو حصے ہو گیا تے الیشع پار ہو گیا۔

15- جدوں انبیازادیاں نے جیہڑے یریکو وچ اوہدے نال سی اوہنوں ویکھیا تے اوہ آکھن لگے ایلیاہ دی روح الیشع اُتے ٹھہری اے تے اوہ اوہدے استقبال نوں آئے تے اوہدے آگے دھرتی تیکر جھک کے اوہنوں سجدہ کیتا۔

3۔ یسعیاہ 59 باب 21 آیت

21- کیوں جے اوہناں دے نال میرا عہد ایہہ اے۔ خداوند آکھدا اے پئی میری روح جیہڑی تیرے اُتے اے تے میریاں گلاں جیہڑیاں میں تیری مونہہ وچ پائیاں نیں تے تیرے مونہوں تے تیری پیڑی دے مونہوں تے تیری پیڑی دی پیڑی دے مونہوں ہن توں لے کے ہمیشہ تیکر جان دیاں رہن گیاں۔ خداوند ایہہ آکھناں ایں۔

4۔ گلتیوں 5 باب 16 توں 23، 25 آیتاں

- 16۔ پر میں ایہہ آکھداواں پئی جے روح دے مطابق ترو تے بدن دی خواہش نوں کدی وی پورا نہ کرو گے۔
- 17۔ کیوں جے بدن روح دے خلاف تاہنگ کر دالے تے روح بدن دے خلاف تے ایہہ اک دو جے دے مخالف نہیں تاں جو جو کجھ تسی چاہندے او اوہ نہ کرو۔
- 18۔ تے جے تسی روح دی ہدایت نال ترو دے او تے شریعت دے میٹھاں نہیں رہتے۔
- 19۔ ہن بدن دے کم ظاہر نہیں یعنی حرام کاری۔ ناپاکی۔ شہوت پرستی۔
- 20۔ بت پرستی۔ جادوگری۔ عداوتاں۔ لڑائی۔ ساڑ۔ غصہ۔ تفرقے۔ وچھوڑے۔ بدعتاں۔
- 21۔ بغض۔ نشہ بازی۔ پنچناں پٹنا۔ تے ہو راتینج دیاں شیواں۔ ایہناں دے بارے تہانوں پہلاں توں ای آکھ دیناواں جیویں پہلاں وی دس چکیاواں پئی اتینج دے کم کرن والے رب دی بادشاہی دے وارث نہ ہوون گے۔
- 22۔ پر روح دا پھل پیار، خوشی، سکون، صبر، مہربانی، نیکی، ایمانداری۔
- 23۔ عاجزی، پرہیزگاری اے۔ اتینج دے کماں دی کوئی شریعت مخالف نہیں۔
- 25۔ جے اسی روح دے پاروں جیوندے آں تے روح دے مطابق ای چلناوی چاہیدا اے۔

5۔ گلتیوں 6 باب 7، 8، 16 آیتاں

- 7۔ دھوکہ نہ کھاؤ۔ رب ٹھٹھیاں وچ نہیں اڑایا جاندا کیوں جے بندہ جو کجھ بوندالے اوہ ای وڈھے گا۔

8۔ جیہڑا اپنے بدن لئی بوند اے اوہ بدن لئی ہلاکت دی فصل وڈھے گاتے جیہڑا روح لئی بوند اے اوہ روح نال ہمیشہ دی حیاتی دی فصل وڈھے گا۔

16۔ تے جنسے ایس قاعدے اُتے ٹرن اوہناں نوں تے رب دے اسرائیل نوں اطمینان تے رحم ملدا رہو وے۔

سائنس تے صحت

1۔ 467:3 (دی)۔ 7

ایس سائنس دا پہلا مطالبہ ایہہ اے پئی ”توں میرے حضور غیر معبوداں نوں نہ منیں۔“ لہذا ایس حکم دا مطلب اے ایہہ: توں میرے سامنے نہ کوئی ذہانت، نہ حیاتی، نہ مواد، نہ سچیائی، نہ محبت رکھیں۔ سوائے اوہدے جیہڑا روحانی اے۔

2۔ 63:5 (وچ)۔ 11

سائنس وچ انسان روح دی اولاد اے۔ اوہ اہل نسب سوہنا، چنگلیائی تے پاکیزگی بناؤندی اے۔ اوہ اصل، بشر وانگر، وحشی فطرت وچ نہیں تے نہ ای اوہ ذہانت تیکر اپڑن توں پہلاں مادی حالتاں وچوں لنگدا اے۔ روح اوہدی ہستی دا پہلا تے اصلی منبع اے؛ رب اوہدا پیو اے، تے حیاتی اوہدی ہستی دا قانون اے۔

3۔ 139:4۔ 9

شروع توں اخیر تیکر، سارا کلام پاک مادے اُتے روح، سیان دی فتح دے واقعاں نال بھریا ہو گیا اے۔ موسیٰ نے سیان دی طاقت نوں ایہدے راہیں ثابت کیتا جنہوں انسان معجزے آکھدا اے؛ ایسے طراں یشوع، ایلیا تے الیشع نے وی کیتا۔ مسیحی دور نوں علامتاں تے عجیب کماں دی مدد نال ودھایا گیا۔

4 25-12:83

سائنس وچ معجزے ناممکن نیں، تے ایہتھے سائنس مشہور مذہباں دے نال معاملہ شروع کر دی اے۔ کیوں جے سائنس فطرت دی وضاحت اے ایس لئی طاقت داسائنسی اظہار الہی فطرت ولوں اے تے ایہہ مافق الفطری نیں اے۔ ایہہ عقیدہ پئی سنسار انسان نوں شامل کر کے، عام طور تے مادی قانوناں دی حکمران وچ ہندا اے، پر کدی کدی روح ایہناں قانوناں نوں اک پاسے رکھ دیندی اے، ایہہ عقیدہ قادر مطلق سیان نوں جھوٹا پادیندا اے، تے مادے نوں روح اُتے اہمیت دیندا اے۔

ایہہ سمجھنا کر سچن سائنس دے خلاف اے پئی حیاتیات مادی اے یا ظاہری طور تے روحانی اے۔ کر سچن سائنس تے وہم کرن دیاں صورتاں دے وچالے اک وڈھا کھڈا بنایا گیا اے، جیہڑا اوہناں ای پار کرن دے قابل نیں اے جنہاں امیر بندے تے لعززدے وچالے کھڈا اے۔

5 13-3:84

پرانے نمایاں نے اپنی پیش بینی اک روحانی، غیر جسمانی نقطہ نظر توں حاصل کیتی نہ کہ بدی دی پیش گوئی کرن تے کسے افسانے نوں غلط اصلیت بناؤن نال کیتی، نہ ای انسانی عقیدے تے مادے دے بنیادی کم نال مستقبل دی پیش گوئی کرن نال کیتی۔ جدوں ہستی دی سچائی نال ہم آہنگی لئی سائنس وچ بوہت ترقی کیتی، تے انسان غیر ارادی طور تے غیب دان تے نبی بن گیا، جیہڑا بھوتوں، بدروحاں یا نیم دیوتاواں دے اختیار وچ نہیں بلکہ واحد روح دے قابو وچ سی۔ ایہہ ہر ویلے موجود، الہی سیان تے اوس خیال دا استحقاق اے جیہڑا ایس سیان نال تعلق رکھدا اے تاں جو ماضی، حال تے مستقبل نوں جانے۔

6- 14-28:284

کر سچن سائنس دے مطابق، انسان دیاں صرف اوہ ای حساں روحانی نیں، جیہڑیاں الہی سیان توں ظاہر ہندیاں نیں۔ خیال رب توں انسان وچ منتقل ہندے نیں، پر نہ ای احساس تے نہ ای رپورٹ مادی بدن توں سیان وچ جاندا اے۔ باہمی رابطہ ہمیشہ رب توں ہو کے اوہدے خیال، یعنی انسان تیکر جاندا اے۔

مادہ حساس نہیں ہندا تے چنگیائی یا بریائی، خوشی یا پیڑتوں واقف نہیں ہندا۔ انسان دی انفرادیت مادی نہیں اے۔ ہستی دی سائنس صرف آن والے ویلے وچ ای نہیں بلکہ ہن تے ایہتھے وی اوہ کچھ حاصل کردی اے جنہوں انسان جنت دا ناں دیندا اے؛ ویلے تے ابدیت دے ہون دے بارے ایہہ بوہت وڈھی اصلیت اے۔

تے فیر اوہ کیڑی مادی شخصیت اے جیہڑی دکھ سہندی، پاپ کردی تے مرجاندی اے؟ ایہہ اوہ انسان نہیں جیہڑا رب دی شبیہ تے صورت اے بلکہ ایہہ انسان دی نقل، شبیہ ڈالٹ، پاپ، بیماری تے موت اکھوان والی غیر مشابہت اے۔ ایس دعوے دا وہم پئی انسان رب دی شبیہ اے روح تے مادے، عقل تے جسم دیاں الٹیل فطرتاں نال سامنے آؤندا اے کیوں جے اک سیان والا اے تے دو جا بے عقل اے۔

7- 17-3:282

اصلی حیاتی، یاسیان تے ایسڈے مخالف، نام نہاد مادی حیاتی تے سیان، نوں دوہندسی علامتاں، اک گول دائرہ یا کُرے تے اک سدھی لکیر دی شکل دتی گئی اے۔ گول دائرہ شروع تے اخیر توں بغیر لا محدود نوں پیش کردا اے؛ سدھی لکیر محدود نوں پیش کردی اے، جید اثر شروع تے اخیر دونوں نیں۔ دائرہ چنگیائی، آپ موجود تے ابدی انفرادیت یاسیان دی نمائندگی کردا اے؛ سدھی لکیر بدی، آپ تے عارضی مادی وجودیت اُتے یقین دی نمائندگی کردی اے۔ ہمیشہ دی سیان تے عارضی مادی وجودیت کدی وی ہندسے یا اصلیت وچ اکٹھے نیں ہندے۔

اک سدھی لکیر نوں اک خم وچ پوری تھاں نیں ملدی، تے اک خم نوں سدھی لکیر وچ کوئی مطابقت نیں لہدی۔ ایسے طراں، مادے دی روح وچ کوئی تھاں نیں، تے روح دی مادے وچ کوئی تھاں نیں اے۔

8- 15-3:265

جیویں جیویں سچائی تے پیار دی دولت ترقی پاندے نیں انسان او سے تناسب نال روحانی وجودیت نوں سمجھدا اے۔ انسان نوں رب ول متوجہ ہونا چاہیدا اے تے اوہناں دے مقصد تے احساس روحانی ہوون گے، اوہناں نوں ہستی دیاں تشریحاں نوں ترقی دے نیڑے لیا نا چاہیدا اے، تے لامتناہی دامناسب ادراک پاؤنا چاہیدا اے، تاں جو پاپ تے فانیت نوں ختم کیتا جاوے۔

ہستی والا یہہ سائنسی فہم، روح دے مادے نوں ترک کر دیاں ہوئے مکسے وسیلے دے بغیر الوہیت وچ انسان دے رُکھے پن تے اوہدی شناخت دی گمشدگی دی صلاح دیند اے، پر انسان اُتے اک وسیع تر انفرادیت نچھاور کردا اے، یعنی اعمالاں تے خیالاں دا اک وڈھا دائرہ، وسیع پیارتے اک اُچاتے ہووے مستقل امن عطا کردا اے۔

9- 24-19:295

اوہ انسانی سیان جیدے راہیں سچائی بوہتی واضح ظاہر ہندی اے اوہ ای اے جیہڑی بوہت زیادہ مادیت، بوہت زیادہ غلطی نوں گواچکی اے تاں جو سچائی لئی چنگی شفافیت بنے۔ فیر جیویں بدل پانی دے باریک جھٹھیاں وانگر پکھلد اے، ایہہ سورج نوں ہووے نہیں لکوندا۔

10- 28-23:425

جد مادے اُتے عقیدے نوں فسخ کر لیا جاند اے تے شعور چنگا بدن بناؤندا اے۔ روحانی فہم دے راہیں مادی عقیدے نوں ٹھیک کر و تے تہاڈی روح تہانوں نواں بناوے گی۔ رب نوں دُکھی کرن دے سوا تسی کدی نہیں ڈرو گے، تے تسی ایہہ یقین کدی نہیں رکھو گے پئی دل یا تہاڈے بدن دا کوئی وی حصہ تہانوں تباہ کر سکدا اے۔

11- 6-25، 6-4:280

محبت وچوں تے اوس لو تے ہم آہنگی وچوں جید اگھر روح اے، بس چنگیائی دیاں کرناں نکل سکدیاں نیں۔

ٹھیک سمجھیا جاوے تے اک حساس مادی صورت اپناؤن دی بجائے، انسان اک سُت بدن لے کے پھر دااے، تے رب، جیہڑا انسان تے ساری مخلوق دی جندااے، اپنی انفرادیت، ہم آہنگی تے لافانیت وچ ہمیشہ تیکر ہندیایاں ہوئے، منفرد رہندا تے انسان وچ ایہناں خوبیاں نوں، سیان دے راہیں، نہ کہ مادے دے راہیں، جاری رکھدااے۔ انسان دے خیالاں اُتے دھیان دین تے ہستی دی سائنس نوں رد کرن دا صرف اک ای بہانہ روح بارے ساڈی بے خبری اے، اوہ بے خبری جیہڑی صرف الہی سائنس دی سمجھ نوں من دی اے، اجیہی سمجھ جیدے پاروں اسی دھرتی اُتے سچائی دی بادشاہت وچ وڑھ دے آں تے ایہہ سکھدے آں پئی روح لا محمد دتے بوہت اُچی اے۔ روح تے مادالو تے، ہنیرے توں وی بوہتا ہور نئیں گھلدے ملدے۔ جداک سامنے آؤندااے تے دو جاغائب ہو جاندااے۔

12- 283:1-3

جیویں ای انسان روح نوں سمجھنا شروع کردے نیں، اوہ ایہہ ایمان رکھنا چھڈ دیندے نیں پئی رب دے علاوہ وی کوئی اصلی وجودیت اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جاہانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔